


413
951
8



門 413
號 351
卷 8

北詩鈔絕句一



大正十五年二月
花房仙次平氏寄贈

陽湖 趙翼 雲崧

題黃丈季游梅花小照

雪作寒交月作鄰。水邊疎影本前身。始知畫手傳神好。只寫梅花不寫人。

野菊

多少秋芳入貴家。獨餘籬落幾寒葩。對君莫訝相憐甚。同是無人賞鑿花。

澄懷園消夏絕句

名園長夏景清和。借與幽人領略多。絕似溫公洛陽墅。

龍上寺少 絕句一

為堯夫結一行窩。

小雨如酥過曉風。幾枝豔發映簾櫳。女郎愛插花盈髻。試手先探月月紅。

一榻花陰對綠河。茶烟香篆互縈回。蕭齋四面皆窗戶。何處風來何處開。

一編閒讀首楞嚴。後夜雞鳴靜諦拈。香罷經聲歇禪榻。諸天細雨正廉纖。

題畫

碧梧漏疎陰綠蕉。濺餘濕高齋寂無聲。獨鶴如人立。沿溪一茅齋老樹出屋頂。采藥人未歸野鷺踏孤艇。

薄暮蕭齋下。高人相對閒。夕陽紅不盡。楓葉滿空山。

和沈倬其同年看花絕句

薊門霜冷見春遲。吹透東風了不知。忽漫一枝紅杏出。累人牆外立多時。

江上逢歸鴈

幾點春雲鴈北飛。首塗故與客相依。渡江一樣從南去。我是出門他是歸。

曉起

茅店荒雞叫可憎。起來半醒半懵騰。分明一段勞人畫。馬嚼殘芻鼠瞰燈。

東昌道中卽景

野田有砂有礫，郵屋半草半泥。雞如鳥能上樹，馬可當牛駕犁。單髮女騎驢背，其夫欣爲執鞭。拾通兒逐馬尾，其父快於積錢。

香山夜歸卽事

露柳清陰十里遙，阿誰乘月夜吹簫。馬頭相並無迴避，同踏香塵過板橋。鬢絲秋老杜樊川，那復風情似少年。慚愧鷺鴻偏照影，誤人春夢小遊仙。

夜永棲鳥寂不飛，露華涼欲透羅衣。玉驄亦解人良會，故踏花陰緩緩歸。

纔下雕鞍又二更，臨岐含語未分明。從今破盡枯禪戒，不在鄰牆釵釧聲。

題王石谷畫

一雙雁依淺渚，幾葉葦折寒流。莫向夜深清唳，有人江上悲秋。

郊外散步

幽尋步林樾，淺草道旁斜。不爲無人看，臨風也作花。古樹圓如繖，綠陰了不暑。無人領此清，黃鸝坐交語。

偶題

風雨寥蕭書掩廬。一編吟到夜窗虛。厨娘莫聒瓶無粟。我已修成乞米書。

戲題姮娥奔月圖

碧天清怨有誰知。奔月非關竊藥馳。如此容華嫁窮鬼。教他那得不分離。 穀率能摧九日精。何難射落月輪明。尚留桂館藏嬌地。此老當年也有情。

古北口

設險人增一堵牆。天公寒燠豈分疆。如何一樣垂楊樹。關內青青關外黃。

題蔣心餘歸舟安穩圖

軟紅塵土十餘年。一棹滄江意渺然。此老平生終歷落。不登卿相即求仙。

桃花貼浪柳垂隄。一葉歸舟老幼齊。難得全家總高致。

介之推母伯鸞妻。圖中太夫人嫂夫及諸郎咸集

年家姊妹往來親。內子披圖省識真。燈下側聞頻歎息。他家真作去聲鹿門人。

雞犬圖書一權輕。寒官也算宦囊成。扁舟莫笑歸裝薄。還與空江載月明。

丁字簾鉤拂柳絲。六朝佳麗好填詞。挑燈自製秦淮曲。
唱殺長干老伎師。
采石磯頭片月高。一千年後少詩豪。知君醉酒江天夕。
尚有生平宮錦袍。

種樹

帶得豐臺土一杷。栽來高已拂簷牙。庭前突見濃陰合。
欲賽仙人頃刻花。
胸中邱壑構何年。種樹為園翠蔽天。看是豪奢却寒儉。
省他六月搭棚錢。
催喚僮奴抱甕過。防他生意漸婆娑。偻行樹下親澆灌。

自笑身如郭橐駝

翠痕深映讀書堂。不見花紅但葉蒼。說與愛花人聽取。
花時那比葉時長。

納涼

暑坐到參橫。微涼猶未生。誰知秋有信。已在一蟲鳴。

題吟薌所譜蔡文姬歸漢傳奇

識曲工詩韻若蘭。忍隨塞馬到呼韓。人間何限傷心事。
千載同悲李易安。

也似蘇卿入塞秋。黃沙漠漠帶旃裘。諸君莫論紅顏污。
他是男兒此女流。

琵琶馬上忍重彈。家國俱催雨淚潛。經過明妃青塚路。轉憐生入玉門關。

逸典能抄四百篇。不煩十吏校丹鉛。誰知書籍歸王粲。翻賴流離一女傳。

暮夜醉歸入寢門。似聞亡兒病中氣息。知其魂尚爲我候門也。

跬步相隨履跡存。牽衣每到月黃昏。豈知死後孤魂在。猶爲而翁夜候門。

簾鉤風動月西斜。彷彿幽魂尚在家。呼到夜深仍不應。一燈如豆落寒花。

中秋夕感作

又看中秋片月圓。未乾老淚再潸然。一家依舊團圓夜。憐汝孤魂若箇邊。

題汶上旅壁

十二年前過汶河。曾徵紅粉唱廻波。不堪老去重來宿。還聽韋娘一曲歌。

舟至瓜洲連日風阻不得渡詩以遣悶

吹浪江豚捲白波。歸心便擬亂流過。長年苦勸公無渡。遇險休貪趨路多。

下雷道中

國才言金
密籌長留太古青，陰森蔽日晝如暝。樹名龍骨藤雞血，好補炎方草木經。

離江舟行

舟
離遲稍喜揚帆疾，若馳纔得順風河。又轉
神和心時。

絕似盆池聚碧房，嵌空石笋滿江灣。化工也愛翻新樣，反把真山學假山。

碧雞關

荳蘭城外又青山，一道風烟入百蠻。勒馬雲端重回首，夕陽人在碧雞關。

瀾滄江

絕壁積鐵黑，路作之字折。下有百丈洪，怒噴雪花熱。
將軍果毅公，以額魯特兵分給余。帳供役
帳下新添突騎多，曉隨鳴鏑夜橫戈。軍中莫笑書生弱，親領羌渾曳落河。

題春山仙奕圖

花落空山了不知，爲他勝敗未分時。神仙已遣名心斷，閒氣猶爭一着棋。
局中算劫正勞神，早有閒觀局外身。袖手不來輕下子，爛柯人乃是仙人。

舟行左江道中

為貪順水去乘舟其奈連朝遇石尤
畫鷁翻成退飛鳥
可憐辜負此江流
水風雙順可兼程却教來船何日行
他趁順風吾順水
天心原自最公平

蠶船曲

畫舫凌波映曉梳盈盈十五似芙蓉
儂家生長胭脂水
不要牽舟岸上居
蠶人世居水上不得結廬於岸也
漢宮遺種有名花只在河南水一涯
今夜定情何處宿
輕橈蕩入素馨斜

照影晴波似鏡中鬢邊茉莉引香風
曉粧別有施朱法
卯酒微醺兩頰紅

天香席散偶作

小部梨園夜讌圖千枝畫燭照瓊瑜
笙歌散後虛堂靜
危坐依然一老儒

泮江道中

遷地敢三宿戀沂流憑百丈牽南來無落葉
樹西去皆
上水船

虎或當畫出山牛能截江渡水遠沙鷺似白人
重霧樹
如黑鬼

密箐烟迷窈冥陰崖風刮凄凜深篁忽有人出驚是獼
猴下飲

入雲磴百盤計人行如旋磨蟻俯江樹千尺餘猿掛似
貫柳魚

山高見日常遲日沒又偏覺早可憐深谷人家長是夜
多晝少

自貴陽赴威寧作

天許遊蹤徧八荒一年輒易一殊方滇雲粵嶠都行遍

又記郵籤到夜郎出守鎮安未一年赴滇從軍在滇年餘回鎮安甫九
月調廣州在廣一年今又入黔每一年輒易一地也

三兩茅棚嵌碧螺坡邊蕎麥水邊禾萬山深處都耕徧
始覺承平日已多

洪爐煉汞出鉛華斛土論錢帶雨耙怪底山童無樹木

五金殺氣在泥沙蓮華嶽諸山出
鉛礦無樹木

由來高處最寒多官舍層椒似鳥窠貴西著
在山頂冰雪滿空居

絕頂教人呼作鐵頭陀

于役古州途次雜咏

曉赴龍場驛路遙試燈風裏雪微飄蠻荒瘴旅當時事

二百年來瘴已消

石磴摩雲往復還青山隨我馬蹄間一鞭經過山應笑

這個官人不愛山

先輩查初白詩云亂山中有豺狼穴曲突何人議
水西蓋其時雖已擒安坤改郡縣而獾鬼猶懷
反側也余所轄大定黔西平遠威寧卽水西地
百年以來皆成編戶矣經臨途次雜紀以詩

濟火會標蜀漢功

和傳羅鬼之始有濟火者從諸葛武侯征蠻立功世有其地

千年兵號水西

雄斷頭掉尾諸羅鬼今日都編保甲中

匹馬朝天跡已陳開通九驛亦勞臣遂延三百年宣慰
何物奢香一婦人

華風濡染變狃獠光氣將開色色新四十八支頭目衆
近來漸有讀書人

芳草茸茸路一條綠痕斜似女裙腰午風麝過餘香在
疑有蠻娘去未遙

一線斜坡上碧穹真看去地幾千弓誰知到頂纔爲地
雞犬桑麻在半空

說與人間定笑休黔西三伏冷如秋使君不是談天衍
親著深山六月裘

夕陽晴映數峯間樹石都成紫綠斑疲馬漸遲鞭不進
錯疑他也愛看山

奉賀福總戎姬人到署之喜

將軍威令肅如秋時向霜天試臂鞬忽漫春生鈴閣滿

衣香人影太風流

雲母餐來意自雄。酒杯浮白燭搖紅。莫嫌老將風情少。尚有如臯射雉弓。

再遊葡萄泉道士玉宣乞詩書以付之

雜卉駢羅羽客家。一枝橫間一枝斜。畫師惜少滕昌祐。來寫欄前細碎花。

緇衣修道衲參禪。等是三生結淨緣。到此又增身世感。

海山兜率雨茫然。右為僧寺左為道院故云

將發貴陽開府圖公暨約軒笠民諸公張樂祖餞

即席留別

離人將上洞庭舟。餞別深叨喚主謳。為我紅塵留不住。

開場先唱岳陽樓。演呂仙洞庭故事

罷官敢復戀華珂。何事臨分淚轉沱。老子婆娑為君等。

生平此地故人多。

當筵忽漫意悲涼。依舊紅燈綠酒旁。一曲琵琶哀調急。

虎賁重感蔡中郎。傷蔡松霞之歿也。是日又演琵琶記

解唱陽關勸別筵。吳趨樂府最堪憐。一班子弟俱頭白。

流落天涯賣戲錢。貴陽城中崑腔只此一部皆年老矣

古來咏明妃楊妃者多失其平戲作二絕

遠嫁呼韓豈素期。請行似怨不逢時。出宮始覺君恩重。

臨去猶爲斬畫師。
聳鼓漁陽爲翠娥。美人若在肯休戈。馬嵬一死追兵緩。
妾爲君王拒賊多。

順風歌

連朝艤櫂洞庭邊。一日開帆路半千。此理眼前誰悟得。
順風船卽阻風船。
破浪雄心久淡忘。無端又起意飛揚。蔽江百道風帆下。
想見龍驤指建康。

廬山在望不及一遊詩以解嘲

鄉心連夕促歸舟。咫尺匡廬不一遊。千古香山暗相笑。
此人枉自過江州。

記得前身本遠公。何須履跡徧山中。不來五老峯邊坐。
恐被人呼六老翁。

信有坡仙是解人。教從象外見全神。先生不入廬山去。
正爲看他面目真。

守風遣悶

琵琶亭畔雨如絲。津吏攔江一纜維。檣轉相烏關未啓。
好風偏在空閒時。
避風長日泊江邨。敢比鷄鷓寄爪痕。已有旁人知退鷁。
不將鐘鼓祭東門。

濤聲如沸撼長空。月黑天低夜守風。官燭滿堂消散盡。來分漁火一燈紅。

閒步江岸有郵翁築屋數間。蒔花籠鳥頗有閒適之趣。戲題二絕。

溪流曲曲柳絲斜。中有幽棲處士家。好个丹青行看子。黃筌禽鳥趙昌花。

門前無數阻風舟。相對荒灘歎石尤。不抵此翁閒一笑。看他江水日東流。

金陵

不到金陵廿六年。白門州柳故依然。多情丁字簾前水。

還向秦淮引客船。

自丁卯以秋試至。屈指廿六年矣。

剪燭風簷夜漏長。少年曾此賭身強。不堪老作歸山客。重過生平舊戰場。

舟至黃天蕩。北風大作。迴泊燕子磯。

打鼓朝辭燕子磯。蹴江雪浪撲人衣。黃天蕩裏迴舟處。笑比蘄王戰敗歸。

本是人間一退翁。故宜路鬼戲途窮。若非反走回頭路。那得輕帆挂順風。

重向招提一拄藤。回廊曲磴轉層層。老僧不管人風浪。自向禪堂點佛燈。

虎邱絕句

山塘春早水微波。日日香風送綺羅。不是遊人看山到。此山最是閱人多。

捨宅王珣築梵宮。千年變作綺羅叢。笑他佛也風流甚。身在烟花不斷中。

花到寒梅第一流。絕無顏色自清幽。而今也帶胭脂氣。綠萼紅苞滿虎邱。

暮鳥啼處客歸遲。畫舫前頭月似眉。醉倚舷簾半捲。家家水閣上燈時。

庭前雜咏

衰醜形容只自羞。老來宋玉豈風流。鄰家新竹過牆出。似為窺人露一頭。鄰竹

草花低亞樹花高。各自相安氣不驕。偏是陵茗軟無力。附他喬木號凌霄。凌霄花

寒土栽花各責成。菊堪釀酒桂調餚。芭蕉如掌閒無用。派管庭前報雨聲。芭蕉

消夏絕句

兩板衡門暇日多。虛聽閒製小詩哦。唐音宋調俱無用。自有田家擊壤歌。

蔬筍常慚踏菜羊。村居奉母少嘉嘗。擊鮮忽漫設家宴。

釣得鯉魚尺半長。

消磨長日仗丹鉛。常苦巾箱少逸篇。解事童奴傳好語。門前新到賣書船。

浴罷東臯看月明。夜涼風露寂無聲。豆棚花下流螢滿。自笑歸田尚火城。

過故友村居

一櫂重來訪故交。依稀何處認門敲。村貧賣樹茅簷露。不見牆西老鶴巢。

題暉南田畫

秋水渚蓮落殘夕。陽沙鳥飛去。漁歌歎乃一聲人在蘆花深處。

欲往鄧尉看梅。向郡城結伴。莫有應者。適有賣花船到。遂以遊資買梅十餘本。歸而自賞焉。

風味空山縱寂寥。何妨澹泊一相遭。并無人訪南枝去。驕得梅花分外高。

省却遊資買樹皮。栽成又得每年開。此情應被梅花笑。酸在東君不在梅。

分種南枝與北枝。向陽開早背陰遲。居然妙奪化工手。暗展看花半月期。

曉謁高堂趁露華。一枝為浸膽瓶斜。寒家奉母無佳物。

便當南陔潔白花。

偶成

午○廳○一○枕○夢○回○時○藥○酒○微○醺○一○兩○卮○閒○向○綠○陰○凝○立○處○
人○言○此○老○要○吟○詩○

烟○霧○深○林○叫○子○規○輕○陰○幾○點○雨○如○絲○笑○他○牧○子○騎○牛○背○
身○在○畫○中○不○自○知○

枕上

枕○上○得○詩○愁○健○忘○披○衣○起○寫○殘○燈○光○山○妻○竊○笑○老○何○苦○
兒○輩○讀○書○無○此○忙○

漫興

泥○絮○風○情○久○不○狂○如○何○竿○木○又○逢○場○阿○難○自○是○無○禪○定○
不○為○摩○登○呪○力○強○

誰○把○姻○緣○簿○錯○移○落○花○偏○向○溷○邊○吹○千○金○一○笑○猶○難○買○
何○福○人○間○賣○餅○師○

莫○訝○相○看○意○倍○親○徐○娘○也○是○過○時○人○白○頭○詞○客○青○裙○婦○
同○感○琵琶○老○大○身○

燈○光○花○影○兩○參○差○有○酒○如○淮○酌○滿○卮○太○息○相○逢○吾○已○老○
白○家○正○擬○放○楊○枝○

納涼

暝○色○赴○庭○陰○雲○輕○月○微○斂○東○風○觸○牆○翅○折○作○西○風○颭○

小兒強解事，奇語驚老叟。不知雲飛速，但道月退走。

戲題間雲女郎小照

是誰月旦品風華，喚作人間女探花。試向十眉圖比較，

黃崇嘏恐不如他。黃崇嘏五代時西蜀女狀元

偏向嚴光眼獨青，羊裘也染麝蘭馨。他家足慣加人腹，

夜半須防犯女星。謂君所善嚴生

西湖雜詩

六橋曾泛畫船過，十四年來一刹那。今歲重遊春較晚，

錢塘門外落花多。

重過蓮池跡已陳，女尼那復記前因。當年綠鬢看纔剃，

豎拂今為首座人。余昔攜家遊湖寓蓮池女菴

葛嶺南園一代狂，欲尋遺跡已滄桑。賈堂蟋蟀韓莊犬，

留與遊人話夕陽。

老去詩人兩鬢秋，祇憑才筆占風流。若非紅粉名心在，

誰肯樽前伴白頭。

天水空明笛一枝，斷橋人靜月斜時。湖樓多少憑欄女，

明日家家說項斯。吾鄉三項生善歌來寓湖上每夕在斷橋亭奏伎傾一時

花開緩緩到餘杭，正遇清齋學太常。今夜河魁須禁忌，

可憐天壤此王郎。夢樓茹素奉佛其夫人來遊湖與談禪而別

手翻樂府教梨園，可是填詞老稼軒。唱到曲中腸斷句，

眼波偷看客銷魂。夢樓在杭製新曲教梨園

但一聞聲記不訛。琵琶盲女賽橫波。老夫亦以耳為目。

認作西天阿律多。盲女王三姑知詩文當眾答香至一接談輒記其人酬應不爽

曾記從軍入百蠻。每從馬上看烟繚。而今醉裏全生肉。

重為湖山一據鞍。是日借馬遊虎跑理安諸勝

寓齋老桂四株余到日正放花喜作

四株丹粟倚簷栽。百斛濃香滿屋來。最是今年時令正。

中秋節候恰花開。

不信名香解作媒。惹他鄰女上牆隈。老夫也自忘衰醜。

只道窺牆為玉來。鄰女多梯牆折花故戲云爾

幽芬似與伴衰遲。來是閒時去謝時。天遣清緣托叢桂。

小山不住更何之。

此半闕史戲作

閒翻青史坐涼宵。頃刻興衰閱幾朝。寸燭未殘千載過。

先生笑此爛柯樵。

舟行絕句

一身充兩役。誰道吳娘癡。襁兒背上卧。搖櫓兼搖兒。

吳航與楚艦。本不共鄉程。同泊偶交語。便有鄉鄰情。

閒居無事取子才。心餘述菴晴沙白華玉函璞函

諸君詩手自評閱。輒成四首。

千里懷人白露時。一編冰雪慰相思。蕭齋日與諸君見。可惜諸君不得知。

新知舊識總吟朋。老眼臨文肯世情。心賞不關交厚薄。此中我自最分明。

姊妹新粧共倚欄。孰宜施粉孰宜丹。背人卻向菱花照。還把看人眼自看。

流年輕擲等閒過。老去空悲兩鬢皤。貧始燒丹病求艾。此生何事不蹉跎。

數月內頻送南雷。述菴淑齋諸人赴京補官戲作。柳條折盡送人行。都謁承明上玉京。老寡頻看鄰女嫁。

白頭重憶舊風情。

袍笏登場也等閒。惹他動色到柴關。妻兒翻不如猿鶴。啼怨山人不出山。

同學都看入宦途。誰從林下譜康衢。野夫歌嘯非平地。或亦清時不可無。

觀劇卽事

逢場竿木逐兒嬉。顧影郎當祇自知。博得黃金買歌舞。可憐已過少年時。

明識悲歡是戲場。不堪唱到可憐傷。假啼翻爲流真淚。人笑癡翁太熱腸。

貞女芮秦姑詩

當塗人未嫁而夫楊之嘉死矢節為其夫養親立孤

白頭猶是女兒身，辛苦持門幾十春。絕似子中通籍後，不會食祿作忠臣。

那得閒依繡佛燈，課嚴教乳日三升。市兒買得都稱歎，片片懷清寡女冰。
以磨豆磨為生

送春

踏盡苔痕屐齒泥，銷魂今日畫欄西。落花何與黃鶯事，也為春歸不作啼。

舟行

一枝柔艣泛波空，牽曳詩魂入夢中。笑比搖籃引兒睡，老夫奇訣得還童。
江村八臥小兒於竹籃搖之使眠謂之搖籃

何物中宵閣閣鳴，似憐孤寂送繁聲。罷官野宿無相鼓，兩岸蝦蟆為打更。

吳門雜詩

握手依然舊雨親，十年京國對牀人。雲泥不但公忘分，我亦忘呼老大臣。
吳秋旣開府奉諱歸里相見道故

形容老盡舊交游，獨有先生鬢不秋。白髮誰言最公道，逡巡也避貴人頭。
開府別十五年鬢無一莖白者

幽棲風味愛清歡，頗笑胭脂畫牡丹。到得東山絲竹地，始知平日秀才寒。

金櫻郁李映清波。一疋紅綾。一曲歌。誰念青裙張好好。

冷如退院老頭陀。酒船中有女郎二女郎侍客船尾張小妹者舊亦以色藝稱今老矣

占得風流向客誇。賈胡雷滯漫思家。前身原是莊周蝶。

莫怪三生慣宿花。莊似撰連日有烟花之會

尋常一樣野花嬌。纔到山塘價便高。我昨三家郵畔過。

可憐艷煞一枝桃。

納涼

矮枕無簾坐月陰。桔槔聲寂夜沉沉。西瓜大字芝蔴鑑。

閒聽郵翁說古今。

坐久空濛露濕衣。風來暗帶稻香肥。流螢不自量微照。

偏向流星多處亂飛。

夜深歸去就橫陳。一語應添笑柄新。我比齊人不知安。

專房偏寵竹夫人。

中庭坐月

移得紗幮小院旁。中安一榻卧乘涼。惹他四面蚊忙煞。

眼看冰肌不得嘗。

甕天窺處得雄談。仰看穹霄正蔚藍。十丈空庭圍不住。

銀河流出粉牆南。

男 廷英校字

區才言金
夜深一縷上窗來

小園

小園不設繚垣遮。麂眼籬編六枳斜。一樹桂花風過處。聽他香到別人家。

朔風

江天連日朔風高。催曠先生敝緼袍。一笑化機誰識得。樹方落葉鳥添毛。

蕭齋

蕭齋雨過淨無塵。睡起憑欄曉色新。分得綠陰牆外柳。一家樹作兩家春。

驢嘲

凌兢瘦影踏黃塵。日向長途受雇緝。憐汝往來風雪裏。不會駢着一詩人。

送客歸戲書

卸卻漁蓑一整冠。送人謁選上長安。惹他僮僕私相笑。既愛山林又愛官。

授衣

九月霜清木葉飛。例修敝褐禦寒威。笑他兒女隨年長。遞換兄衣作弟衣。

莊樂閒崔曼亭兩同年皆工詩莊夫人董蘭谷崔

夫人錢浣青亦皆工詩兩家又同居一宅閨閣韻事近代罕有欽羨之餘奉贈

何處香閨鬪擘箋迎春橋北地幽偏依稀采藥天台路
劉阮雙樓一洞天

旗鼓詞場各策勳郡城近日詩社最盛正愁應敵力難分如何惡少

雕青外又遇一班娘子軍

夜坐

人語夜深寂霜威侵敝袍梅花映明月共我作三高

讀史

一刹那間便一生何須恩怨苦分明老來自笑猶閒氣
動為前人抱不平

過城東小桃園

重過桃園跡已陳花腔依舊錯如鱗傷心紅雨亭邊路
只見桃花不見人

真州歸途作

盡日無人古路斜空濛細雨落如沙一旗飄出青林外
知有前村賣酒家

家約

老去惟耽懶味長自頒家約戒厨娘何能為汝蓋鹽事
費我吟詩錦繡腸

齒痛

嚼鐵生平礪齒齧無端對食輒含顰
遇剛必吐柔方茹
累我翻成勢利人

山塘

老入歡場感易增
州花猶記昔游會
酒樓舊日紅粧女
已似禪家退院僧
半塘橋北好陰涼
殘醉扶來蕩畫航
臨水數家門半掩
更無人處有垂楊
一夕新歡曉已陳
黃金散後更誰親
定情羅帕還留看
多少人間抱柱人

普惠祠基築短牆
五人墓木獨蒼蒼
山塘滿路皆脂粉
可少秋風俠骨香

論詩

滿眼生機轉化鈞
天工人巧日爭新
預支五百年新意
到了千年又覺陳

李杜詩篇萬口傳
至今已覺不新鮮
江山代有才人出
各領風騷數百年
隻眼須憑自主張
紛紛藝苑漫雌黃
矮人看戲何曾見
都是隨人說短長
少時學語苦難圓
只道工夫半未全
到老始知非力取

三分人事七分天

詩解窮人我未空想因詩尙不會工熊魚自笑貪心甚
既要工詩又怕窮

紅梅

品高初不逐繁華何事新粧鬪絳霞莫是也貪流俗賞
漸思改節學桃花

清明後一日松坪前輩招同西巖涵齋棕亭湖舫

雅集

多煩折簡到潛夫出郭尋春興不孤千樹桃花萬楊柳
揚州城外小西湖

一樣風光二月春林亭點染倍鮮新畫家小李將軍派
金碧山川粉黛人

香雪飄殘夢綠華平山堂有梅千株號小香雪旁人笑我願空賒風流詞

客非高士不看梅花看杏花

紅橋修禊客題詩二十年前盧雅雨為運使時事傳是揚州極盛時勝會不

常今視昔我曹應又有人思

花魂欲睡隱蒼烟重結清游異日緣風露峭涼人半醉
滿湖燈火夜歸船

湖上二首

山光澹沲水縈紆幾日蕪痕綠滿途隄上香車隄下舫

清明一幅上河圖

連日狂飈捲地來，孟婆作意把花摧。可憐桃李貪人看，不為風多遂不開。

食香椿有感

新故相乘共喜新，自因生意在青春。可憐一樣庭前樹，嫩是香椿老臭椿。

鱒魚初出松坪前輩即購以見貽賦謝二首

銀鱗尺半壓荒厨，纔是江鮮入市初。一尾千錢作豪舉，先生今日宴頭魚。

菜根久礪齒牙牢，珍味無端誘老饕。不肯累人窮閔貢，為君一旦破清高。

松坪於齋頭遍插芍藥招同涵齋棕亭再可雅集

即事

相期不負景清和，又許看花發醉歌。前日鱒魚今芍藥，老來食色累公多。

尋花我昨步當車，君乃移花插滿家。始識名流太驕貴，要花尋我不尋花。

夜醒得句

露氣涵虛庭羅幃，早涼到三更。月太明，滿園鵲盡噪。

觀舞燈

滿野流移似凍蠅。華堂猶列炬千層。臨觴敢謂非豪舉。如此荒年看舞燈。

米貴

米貴如珠豈易量。午炊往往到斜陽。老夫近得休糧法。咀嚼新詩誑餓腸。

兒戲

兒女青紅又一時。拔河拋壘儘游嬉。老夫不忍輕訶。教誦淵明責子詩。

江邊鷗鷺

覓食終朝傍水涯。晚來戢羽靜無爲。始知鷗鷺閒。也在謀生既飽時。

飲啄呼羣不亂行。空波容與太清狂。扁舟偶過忽飛起。我已忘機他未忘。

蚊

六尺匡牀障皂羅。偶留微罅失譏訶。一蚊便攪人終夕。宵小原來不在多。

劉震裳秀才美姿容。工詩嘗偕子才爲名山之遊。今又同舟來謁喜而有贈并調子才。

緒柳風流見後身。雅吟况復擅清新。世間真有無雙品。才子原來是美人。

白頭人共泛清波，忽覺沿隄屬目多。此老不知看衛玠，自誇看殺一東坡。最羨師生共一航，曉窗聯句夜傳觴。禪門亦有旁叅法，我欲勾他叛呂防。

買燈十二挂皆舊家物也書示兒輩

十二明燈爛似霞，買來光炫膽瓶花。豪家下等莊嚴物，移到貧家便太華。

想見華堂照酒樽，無端來伴我黃昏。須知是物關興替，最後登門早出門。家居買燈原為不急之務及稍貧則此物先賣矣

秋燕

落木風高葉漸稀，人家刀尺促寒衣。生憎燕子炎涼甚，春便飛來秋便歸。

卜居

卜居未久白雲溪，坊曲平時過從稀。怪底鄰家肯賒酒，先生將有束脩歸。

閩遊途中雜詩

隔歲無端動遠思，此行亦似有前期。可應天欠詩人債，遊武夷山喫荔枝。

遙憶山茶曲檻前，此時繁蕊放紅嫣。正開花候身偏出，天為先生省酒錢。

百尺荒祠俯綠洞。客星遺跡尚崔嵬。出山恐被嚴陵笑。連夜催船過釣臺。

自泉州至漳州道中作

閩遊未訪武夷君。先踏泉南瘴海雲。添得生平蛇一足。白頭出作老參軍。

會讀冬郎艷體詩。飄零遺跡最堪思。夕陽荒草南安路。

何處空山訪墓碑。

韓偓流寓南安有墓

不信澆田仗井泉。汲竿懸斗似秋千。一田一井禾都灌。此是閩南古井田。

高髻雙盤結束新。擬將白珮買橫陳。只愁枕上無重譯。

夜半誰來作舌人。

喉館殘燈送馬蹄。一弦海月出猶低。十年高臥山中客。

重聽荒郵半夜雞。

廿里郵籤一歇鞍。綠瓜丹荔已盈盤。莫嫌喝道遊山俗。

畢竟遊山也仗官。

咏古

繡遍瑤臺綠字函。五銖衣換茜羅衫。杜蘭香本仙家女。一點春心便謫凡。

滌器空羈作賦才。凌雲一薦入蓬萊。遭逢莫怪臨邛幸。犬子原須狗監推。

英聲軼里亘千春。只解酬恩不擇人。何物韓嚴甘爲死。
可憐輕擲不貲身。
閒翻青史幾悲涼。功罪千秋少尺量。讀到曲端呼鐵象。
恨他何不死沙場。

閒咏史事六首

運石飛磚造塔忙。馮熙計慮亦深長。塔成但見高千尺。
誰見人牛死道旁。
炙手權門百助填。古人眼孔究堪憐。區區黃雀青魚鮓。
屋棟雖充值幾錢。

北府曾傳孝傑誇。官登台輔要豪華。庫無百萬黃金鉞。
那足稱爲宰相家。

身在璇霄秉獨裁。何難金塢積成堆。江陵至竟稱賢相。
只愛持權不愛財。
拘項橋瞻最上層。力求宦達果飛騰。官高無奈身如舊。
日食依然只半升。

老禪淨眼看花紅。已付飄香一陣風。畢竟馮師原失計。
骨人那住肉山中。

裙帶魚臭如醃鯊。我洲白門乃酷嗜。詩以調之。
臭味飄飄不可親。嗜痂偏作席間珍。爲魚也要佳名字。
裙帶纔呼使動人。

桃花

清明雨過淨無塵，款段遊山始見春。多謝桃花開滿洞，劉郎已是白頭人。

閩言

滿耳啾啾不辨何，近來漸解說僂羅。始知公冶非神技，只為聽他鳥語多。

北歸

屢改歸期始定期，郵亭露布正班師。千軍萬馬紛馳處，一個閒人訪武夷。

仙峴巖

仙人遊戲大羅天，何事空餘一蛻蟬。若使成仙只如此，老夫也不慕喬佺。

聞說登真不在形，可憐世眼自難醒。不知尸解遊何處，猶向枯骸跪乞靈。

煉丹臺

藥鑪已廢冷無烟，傳是丹成此上天。煉汞燒鉛吾不耐，英雄撒手即神仙。

至福州有一僕來見，自道姓名乃余昔在京師未第時童奴張忠也。蒼顏白髮幾不可識，無今追昔感嘆久之。

三十年前青翰舟，相逢欲認屢凝眸。看他綠鬢今斑白，不唱何戡也淚流。
穎士奴曾解愛才，相從正值困蒿萊。傷心夜伴孤燈讀，冷盡熏爐一寸灰。

題淑齋官署

粉署含香地望華，天教作吏亦清嘉。全家碧水丹山裏，好个神仙太守衙。
奏凱師還滿驛亭，獨因僻左少來經。四禪地可迴兵劫，不枉山城號福寧。

江行

倚舷坐愛晚風披，正是科頭覓句時。兩岸空青一江綠，不妨潮阻去帆遲。

西湖雜詩

又向西湖泛綠漪，湖光如舊客衰遲。可應皺面波斯匿，重過恒河照影時。
白蘇都向此留題，二老才名本自齊。不作爭墩互傾軋，兩人各占一條隄。
一坏總為斷腸留，芳草年年碧似油。蘇小墳連岳王墓，英雄兒女各千秋。
名士常憑勝地傳，如何勝地轉攀緣。歐公宦跡何曾到

勺水偏標六一泉

冤獄風波已被誅。空餘鑄鐵跪泥塗。不知地下權奸骨。果識人間唾罵無。

湖山原要錦成堆。一味孤清也可哀。想見平章燈火出。道旁寒殺老逋梅。

重遇盲女王三姑賦贈

十年前聽撥琵琶。曾惜明眸翳月華。今夕紅燈再相對。老夫亦已霧看花。

無目從何識字成。偏能演出寫風情。可應手摸知書慣。此瞽真當字伯明。

徐娘雖老尚情長。慚愧蕭郎鬢已霜。對面欺他看不見。白頭聊作少年狂。

人間用短轉能奇。水母曾傳借目窺。爲汝作蝦五尺肯。便隨流蕩不相離。

卽事

偶得詩一句。健忘忽失却。翻去問傍人。增他一笑噱。

吳江道中卽景

荒村遠城市。不知羅綺鮮。村女簪紅花。顧影亦自妍。

夜坐

拋却橫腰帶。萬釘歸來仍伴一。燈青夜深河漢星。千萬

國朝詩金
何處尋他處士星。

相逢

相逢猶作少年行，西抹東塗已不成。
老去佳人思昔面，怕聽人喚阿婆聲。
映坐標姿玉不如，烏衣裙屐氣軒渠。
鄙人老不知時務，只道郎君總讀書。

野步

峭寒催換木棉裘，倚杖郊原作近游。
最是秋風管閑事，紅他楓葉白人頭。

桃花

正是桃花滿洞開，春遊偶誤入天台。
仙家也自貪年少，笑我何爲老始來。

賣文

賣文錢稍入壜囊，欲破休糧秘密方。
揚子江中水雖淺，留他一勺亦何妨。

郊外見殘菊

黃葉江村木盡凋，尚餘冷艷耐商飈。
有情都作春花去，誰與秋容綴寂寥。

二首

子才到揚州，預索輓詩戲和其韻。
意有未盡，又增

薤露如何可預支。渡江來似別交知。得詩恐爾真歸去。不覺低徊下筆遲。

年壽何人不祝延。怪君撒手獨超然。可應舊籍樵陽在。謫限完時又作仙。

君果飄然去。返真讓儂無佛易。稱尊只愁老境誰同調。獨立蒼茫也斷魂。

生平花月最相關。此去應將結習刪。若遇麻姑休背癢。恐教又罰到人間。

修短終須聽太空。莫將殘錦散諸公。還防老學菴燈火。絆住山陰陸放翁。

廬山雜詩

二十年前過九江。未曾廬阜躡飛涼。那知未了清緣在。垂老來償屐一雙。

小橋流水路橫斜。野草茸茸滿路花。盡日山行無斥堠。有田疇處有人家。

榆柳陰森綠滿途。秧歌聲裏鷓鴣呼。牛宮豕柵俱污濁。一入山家總畫圖。

一重一掩隔紅塵。深入方知景色新。山外何由見真面。東坡謾語究欺人。

匡廬擅勝瀑流多。百丈飛泉注急坡。却怪古人眼孔小。

一衣帶水詫銀河

崖壁鑄詩費斧惟欲憑貞石姓名垂誰知雨打風摧久也作模糊沒字碑

流出山來便不還何妨小住保清潺可憐三峽橋邊水日夜喧鶯要出山

留帶山門結淨緣

棲賢寺有石刻宋大中丞留帶處

佛家終仗布施錢綿津

去後無人管三兩殘僧自種田

子才舊遇相士胡炳文決其六十三生子七十六

考終後果如期得子一驗定無不驗矣去歲七

十六遂飾巾待期者一年并預索同人挽詩及

歲際竟不死乃又作除夕告存詩遍遺親友爰

戲贈八絕句

料理行裝一載忙飾巾仍不到樵陽五更待漏天還早再吃朝房厚朴湯

添丁果驗洗兒糊預索灰釘乃不行術者莫非司馬懿

不能料平聲死只料生

眊筆閻羅未及勾遂教天網漏吞舟笑他袍笏風流宰換作人間夜不收

割肉偷桃狡獪才九閻都怕此人來故應天亦難安頓纔召巫陽又赦回

開口吳兒有是非，戴逵求死反招譏。此翁名士非高士，本不將身繫少微。

年是新年人是陳，過年只算再來人。便將來世連今世，省得輪迴又換身。

難星須滿一年期，未飲屠酥尚抱疑。想見呂嵒爐底伏，幾番恐殺打雷時。

莫怪輕災解縛纏，前身原是黥蒼仙。君自言前身黥蒼山老猿仙人一劫能逃過，又可嬉遊五百年。

春農寓齋窗外忽生新竹一枝，賦詩自誇戲贈與可。千尋已覺長笑君，譽竹更無雙揚州。萬舍新篁茁

道自家園透過江。君詩疑是故園亭子外一枝且雨渡春江

月明鸞尾影娑娑，掩映文窻隔皂羅。莫是惠州都監女，夜寒偷看老東坡。

孤竹君曾傳二子，勸君添个鳳池毛。白頭笑倚欄杆說，階下龍孫爾許高。君孫已遜拔明經

幽棲借得好林巒，天與蒼筠伴歲寒。便抵挂單童子寺，一枝日日報平安。

松坪七句稱慶余，已有詩奉賀嗣君。次生又索屏風詞，爰補前詩所未及。

已抒長句侑瓊卮，又索屏風介壽詞。恰似海籌多益善，

祝公添歲我添詩。

早登仕籍早歸田不用持籌但使錢詩酒笙歌娛到老。

始知世有地行仙。

烟花夢久斷塵根禪榻旁無翠黛痕早喜析薪能負荷。

不須多子但多孫。

館閣常疎步履塵轉於林下得相親十年邗水過從久。

我亦隨公作老人。

題岫雲女史雙清閣詩本

沈既堂先生女

詞垣宿素沈東陽家學流芬奕葉長不獨敬倫能似父。

掃眉嬌女亦文章。

隔紗未試解圍兵展卷偏教見性情絕似李暮牆外聽。

一枝玉笛最分明。

憶堦思親點筆遲蘭荃香入墨痕滋始知閨閣真風雅。

不在香奩艷體詩。

略識之無便日存生平未上學堂門由來慧業關天授。

待有人教已鈍根。

繡閣才名錢孟鈿吾鄉錢文敏公女孟鈿最工詩何當旗鼓對鳴甄玉臺他。

日編新咏江北江南兩女仙。

京口晤夢樓聽其雛姬度曲即事

廿載清齋禮佛香翻將禪悅寄紅粧始知十六天魔舞。

別是僧家一道場。

手剔銀缸畫燭明。愛留客坐聽新聲。人間何限霓裳曲。出自家姬覺有情。

欲段新翻指點勞。要令姿致極妖嬈。自家忘却便便腹。只管呼他學柳腰。

恐將寒儉惹人嫌。特與新裁綺縠纖。蓮步出堂嬌顧影。傲他宰地夏侯簾。

笑我家貧赤脚多。那能百琲買青娥。鄭康成婢香山媼。只解吟詩不解歌。

城鑰催人曲未終。令嚴帥府鼓鼙轟。出城笑這將軍俗。不及羊羔老党公。

遊金陵雜詩

十幅蒲帆兩草鞋。借名送考到秦淮。老夫別有西來意。半為栖霞半簡齋。

蹇衛牽來狗不如。跨鞍難穩且呼車。生平跋馬千山遍。老去翻愁一秃驢。

人筆雙高不可攀。雲烟供養掩禪關。京華四十年前友。頭白相逢在攝山。

逆風船似挽強弓。篙纜爭途夾港中。忽漫開帆天解闔。此船不占彼船風。

遊栖霞之次
日順風出江

老友張玉川精繪事
寓栖霞是日同遊

欲騎驢遊栖霞老不
能跨鞍仍呼筇輿

興亡局似去來潮。南部州花尚未消。丁字簾前一條水。河房燈火見前朝。

名紙填門奉玷壇。隨園豪舉欲留餐。靈山五百阿羅漢。一個觀音請客難。子才招飲余以甚客多故不赴

燕子磯頭落日懸。支筇重到廿餘年。阻風中酒曾遊地。垂老經過倍惘然。余昔自黔歸守風燕磯凡九日

揚帆百里不多時。諺語江湖可入詩。只有快船無快馬。舟人語詩家無此句新奇。

真州蕭娘製糕餅。最有名人呼為蕭美人。點心才以餽奇中丞。中丞寵之以詩。一時傳為佳話。

余亦作六絕句

帶得脂香價便高。一奩粉餌入風騷。美人手段才人筆。補出劉郎九日糕。

纖纖素手擅拈針。改製餛飩味自深。這箇麻姑好指爪。不搔人背點人心。

已是徐娘半老時。年已五十餘芳名猶重美人貽。不知年少當爐日。幾許游人妬餅師。

一技成家動貴游。遂憑食譜姓名留。蘇東坡肉眉公餅。此女公然另出頭。

饋節聊同獻曝情。竟邀椽筆賜褒榮。始知大雅羅材廣。

錄到人間 餅名

麴車涎早落殘牙曲盃何當送我家為語故人應捧腹
老饕饒口嚼梅花

編詩

舊稿叢殘手自編千金敵帚護持堅可憐賣到街頭去
盡日無人出一錢

苦雨

竟月淋浪雨脚斜麥苗萎盡泣農家可憐兒女多情甚
一樣傷心只惜花

所見

白玉盆中發寶光洞天清供好排當明珠妝出細梅瓣
無價奇花惜不香

女史鮑尊古賜題拙集推許過當走筆奉謝

下語評量費綵毫恰如鳥爪癢邊搔從教萬口流傳遍
那及茗華一字褒

若遇隨園拾唾珠定應誇作女高徒子才輯詩話多採聞秀詩輒稱女弟子老夫

不敢衙官屈稽首仙臺拜鮑姑

安樂窩中有賞音家門風雅宿緣深遙知問寢重闌罷

閒和堯夫擊壤吟邵松阿孫媳

莫怪香閨解擘箋清才多聚一門偏劉三娘子詩情麗

家學原從孝綽傳

兄景略
本才士

不寐

老去無眠夜景清，聊營腹稿待天明。
小簷曉夢聞呼起，知有新詩枕上成。

再題焦山寺贈巨超練塘兩詩僧

滑笏江流去不扃，海風吹出一螺青。
十年來往空相望，今日纔尋瘞鶴銘。
修篁密樹綠陰連，不着樓臺得自然。
對面金山太寒乞，傲人生活勝焦先。

對他浮玉覺寥寥，蕭狐貉旁偏立。
緼袍齊已詩篇懷素字。

兩僧共占一山高

巨超詩最了
練塘兼能書

伊蒲留客飫香厨，蔬筍登盤味有餘。
我本才非齋玉足，敢嗔佛印不燒豬。

叅遍華嚴五十三，老思彌勒結同龕。
一庵似怕人來借，先自名呼作借庵。

巨超又
字借庵

山行

路尋樵徑躡槎枒，山色蒼深夕照斜。
一樹紅楓全是葉，翻疑無葉滿身花。

論詩

着色原資妙選材，也須結構匠心裁。
可憐絕艷芙蓉粉，

塗在無鹽臉上來。

野菽

菜根風味出江村，恰稱田家老瓦盆。辣玉甜冰常饌足，不知世有乳蒸豚。
楊誠齋以蘆菔為辣玉蔓菁為甜冰

圍爐

頭腦冬烘一腐儒，怕他冰雪冷侵膚。平生性不因人熱，老反趨炎附火爐。

揚州觀劇

又入揚州夢一場，紅燈綠酒奏霓裳。經年不聽游仙曲，重為雲英一斷腸。

回數歡場歲幾更，梨園今昔也關情。秋娘老去容顏減，猶仗聲名歷後生。

故事何須出史編，無稽小說易喧闐。武松打虎崑崙犬，直與關張一樣傳。

今古茫茫貉一邱，恩讐事已隔千秋。不知於我干何事，聽到傷心也淚流。

題竹初為袁趙兩家息詞後

余戲述子才游蕩之跡作呈詞控於巴拙存太守子才亦有訴

詞太守不能斷竹初以息詞了此案

一重公案起無因，太守筵前訟牒陳。不設青紗圍自解，累君來作謝夫人。

各挾雌黃訴到官。閻羅包老也顛顛。竹蕉兩造皆情熟。欲判輸贏下筆難。

調語褒訛總白癡。客嘲賓戲戰交綏。兩家旗鼓今無用。同看營門射戟枝。

一燈

出身早脫子矜青。堪笑丹鉛尚不停。頭白一燈孤館裏。廿三部史十三經。四庫館新頒舊五代史遂成廿三史

天河

誰把虛空界畫粗。生將別恨坐黃姑。青天為紙山為筆。倒寫長江萬里圖。

朔風甚急萬鴉集於枯木。皆向風而立無一錯互者。乃知其向風則羽毛轉順也。向聞魚亦多逆水而游。同是一理。

寒鴉枯木景蕭騷。觸目都增見地高。鳥立向風魚逆水。物生各自愛鱗毛。

觀音閣碑後漢書古未風流游於十里和顏堪笑籌車致祝情。望奢那計一蹄輕。百金捐造觀音閣。便欲碑刊萬古名。

宦囊

解綬歸來卜築忙。老夫曾此賀華堂。看他營造看他賣。

何事人猶羨宦囊

松坪招同葉生栢秀才高詠樓看荷花五首

老去心情愛物華，肯同新婦閉帷車。蹣跚行脚麻茶眼，同向湖隄去看花。

少日踈狂作冶遊，那堪還占老風流。惹他十里珠簾捲，多少紅妝笑白頭。

延緣一棹過紅橋，早有荷香陣陣飄。解事編郎不煩囑，但花多處便停橈。

山是堆成水挖開，憑空幻出好樓臺。老夫五十年前到，曾見邗溝木色來。
余已巳過揚州惟平山堂及法海寺餘皆斷清古墓而已今湖山樓閣則皆庚午後開闢遊者也

高詠樓前飲碧筩，凭欄千朵絢晴空。蓮花本是君家面，還與先生發醉紅。

答蔣蔣州秀才

歷數名場幾作家，後生中有此才華。白頭老嫗看新婦，恨不親為插髻花。

贈當筵索詩者

盈盈十五出堂時，妙轉歌喉勸客卮。也是人間生活計，老夫和淚寫胭脂。

入冬日飲牛乳一升以代朝粥戲成絕句
曾傳著粥養衰翁，服食還輸乳汁功。白髮入為黃口哺。

老夫奇訣已還童

清晨飲我乳花香。省得張蒼子婦忙。笑問妳婆何姓氏。遙遙華胄出奇章。

訛寢蕭閒顧影驕。愧無錦薦護寒宵。柵欄爲築新牢就。也算莊嚴貯阿嬌。

服匿盛來日一甌。瓊漿滿引潤枯喉。卽看下咽如脂滑。不用周官更祝鳩。

縱無燥濕効微勤。乳哺功深自策勲。合請戴嵩爲寫照。丹青貌出野王君。

久食功堪奏養和。君羶氣亦染身多。老饕自愛醍醐味。任把臊胡喚達磨。

昔人曾飽穀於菟。何似芻牢給所需。老健定堪牛鬥虎。看余矍鑠執笏驅。

書生貧易德壺殮。飲酪先誇至味存。何限世間豪貴客。還將人乳去蒸豚。

自笑

一甌著粥涕沾鬢。背曝晴簷手擁爐。試問古來麟閣上。畫圖可有此形模。

芸浦中丞邀我鄧尉看梅夢。樓芷堂先在蘇相待。遂同游連日并偕蔣子野秀才。

廿年此願今纔果。為有佳招發興新。行樂也憑賢地主。腐儒何事不因人。

燈節前頭雪壓枝。梅花今歲較開遲。花神大似留相待。二月初來正及時。

點役簽夫曉鼓催。幾同喝道看山來。惹他村媪從旁笑。不是官梅是野梅。

老幹空山格自高。難將勢位屈孤標。我來只帶諸名士。壓得梅花不敢驕。

漫將孤寂結相知。豈識瑤林四照奇。笑煞老逋真見小。賞心只在兩三枝。

想見名卿氣力雄。要留爪跡雪泥鴻。黃金買得春山潤。死葬梅花萬樹中。山有徐

料理舟車縱客歡。官齋獨對一燈寒。中丞枉作梅花主。只讓人看不自看。中丞以事不得同遊

忽為清游攬景光。累人連日費供張。一帆歸向山塘過。自買名花種草堂。虎邱買牡丹四盆海棠一株

戲題靈巖山館 吳秋帆制 府別業

靈巖千古屬西施。亭館何人鑿翠為。要與美人爭勝蹟。秋帆此處是男兒。

手種梅花已丈餘。相需殷每遇偏疎。園林閒煞公忙煞。

曳足壺頭正羽書

湖南征苗公
方首解軍需

愛山我乏買山費公有青山只夢思何不把山來贈我
省他猿鶴盼歸期

閱近人詩稿戲題

名士求名氣力殫到頭不出百年間那知世有神通大
卧作長河立作山

題女史駱佩香聽秋軒詩集

冰雪新詩絕點塵女中有此謫仙人故應數遍樵陽籍

只替常儀作後身

集中女遊仙詩第一首云不是姮娥拚
獨處何人領袖廣寒天蓋以自况也

解圍何必幃青紗對客揮毫筆有花如此才情如此韻
教他那得閉帷車

倘著冠巾試萬言也應第一領詞垣如何不學黃崇嘏
去作人間女狀元

禮佛香清手自拈禪心已證首楞嚴教人癢煞鮓紋背
不敢思他鳥爪尖

此豈宜居弟子行詩翁漫詡在門墻上元燈下千詞客
方待昭容玉尺量

蘭齋夢樓皆
誇為女弟子

高旻寺鑑公房夜看牡丹戲書

一枝濃艷倚禪房銀燭高燒照滿廊我欲嚇他禪定破
老僧深夜對紅粧

揚州買芍藥攜歸而齋前寶珠山茶已開過矣
已向山塘買牡丹又攜紅藥到雕欄惹他千瓣山茶妬
家有名花不愛看

子才以雙湖太守禁妓作詩解之戲題其後

登車紅袖滿啼痕詩老為招已斷魂十四樓高功保障
平康護法好沙門

八十衰翁已白紛惜花心在老逾殷哥舒半段槍無敵
專救人間娘子軍

南部烟花手護持君房下筆妙言詞女閭援到齊桓例
莫是貪他夜合資

巧為蛾眉作主張一言感煞眾紅粧知君九十開筵日
定有湘蘭白妓觴

多少妖姬又冶容家家虔炷辦香濃青樓占得長生位
也抵先儒祀瞽宗

雨不止

客牕聽雨夜如年簷溜丁東斷復連絕似小兒啼不住
終宵攪得老夫眠
方罨田塍漲白波甘霖翻恐沒新禾曾經乙巳年荒旱
不敢嫌他雨過多

野泊

扁舟晚泊傍村家，露草浮光月未斜。螢作火城蛙鼓吹，野夫何處不榮華。

題沈既堂前輩載書移居圖

買宅何須百萬資，為貪隙地好栽花。移居大似村夫子，滿載圖書載鯨車。

檢校資儲一番忤，犬雞都點入行裝。押綱不用鐵羅漢，家具無多只縹緲。

牙籤整妮上行冊，卷帙真看欲汗牛。比似米家書畫舫，陸行水泛兩風流。

奏賦蓬萊舊鳳名，宦成那復作書生。祇應結習難忘處，老戀青燈倍有情。

八詠樓新葺綺寮，又排書帙遣良宵。只愁撐滿便便腹，難作東陽瘦沈腰。

哭偉兒

二十年無一哭聲，此生應免起哀情。誰知時命無終泰，臨老西河欲喪明。

未必興家且保家，少年早自戒豪華。烏衣門巷牛衣志，不鬪人間金犢車。

猶記生時有吉徵，異香滿室兆榮名。兒生於鎮安官舍時異香滿室誰知兆也無憑準，只得頭銜廩膳生。

拮据參苓恐不供，但愁病劇敢愁窮。一年心力枯何補，囊到空時命亦終。

身病堪醫心病難，生來心性慣憂煎。可憐半月前孤枕，

將要長眠轉不眠。臨發前半月通夕不眠

就醫吳苑半年淹，勢急歸舟夏正炎。氣力自知支不得，

時時問過幾郵籤。兵門就醫半年到家僅六時即屬繼

時到彌留倍可傷，不呼妻子只爹娘。五更續息微將絕，

忍死催移到我床。到家臥其房不安速呼移就余床而歿

痛定追思痛更深，自知不起病加沉。恐傷乃父心難割，

淚欲流時輒掩衾。

兩孫外角尚兒嬉，他未知悲我更悲。七十衰翁頭白盡，豈能撫到長成時。

彷彿幽篁尚式憑，微風入戶閃孤燈。定知汝不離吾側，

只是千迴喚不應。

入棺猶是舊容姿，從此真無再見期。一語九原聊寄慰，

我來應亦不多時。

夢中

月影橫廳夜向闌，峭涼新入覺衾單。夢中新鬼逢多少，偏是亡兄一面難。

年來孫補山，畢秋帆兩制府呵。雲巖相公相繼下，

世林下則顧晴沙袁子才王西莊又物故生平
交舊一時俱盡凄然感懷

老來不復作詩新偶作詩惟哭故人哭盡故人無可哭
子然顧影自傷神

武綿文經將相功儒林文苑亦宗工此皆數十年成就
何意淪亡一歲中

至蘇州寓懷杜閣後樓卽事

偶指名賢故跡湮祠成館我亦前因敢援彌勒同龕例
縛帚聊爲灑掃人

斟酌橋通畫舫游都來塘北泛明流坊浜裏將寥落
漸少人登舊酒樓

垂老光陰夕照斜風懷聊復逐鉛華惹他年少竊相笑
如此白頭來看花

名園樓閣表前賢點綴溪山物色妍自是承平好光景
頗聞秦蜀正烽烟

去歲偉兒就醫寓舍在伍相國祠東今來過此泣
然有作

往事追思灑淚紅半年醫藥竟無功籃輿重過靈胥廟
恐聽人呼伍相公

兒行五家人
呼爲五相公

題短簿祠

短簿祠高虎阜東，故居人指梵王宮。誰知捨宅歸僧寺，翻占名山地百弓。

三月十日寓齋前牡丹纔試一花，次日半開者數
朵。十二日曉村太守讌東浦，藩伯湛露廉使柳
亭觀察於此，則百朵競放矣。以後士女遊觀，連
日雜沓，雜記以詩。

聞道旌麾過使車，牡丹連夜發穠華。比他羯鼓催還捷，富貴花原勢利花。

那得才人不露才，名花亦愛向人開。一枝背面亭亭立，也對紅欄拗項來。花面皆側向人

翠翹紅袖總嬰春，稍爲移床避鞦韆。塵滿架名花讓人看，老夫却看看花人。

此行專結牡丹緣，繭栗催開七日妍。看到落紅吾亦去，人言薄倖杜樊川。

西湖寓樓卽事

又向西湖泛畫船，青山綠水故依然。回思奉母蓮池日，往事俄驚三十年。余丁亥歲初遊西湖奉太夫人寓蓮池尼菴

虎邱遊罷虎林遊，人巧天工各擅優。黃篋酒樓青筍舫，西湖可惜不蘇州。

遊船無數檻前過，占得湖樓俯綠波。但我見人人不見。

碧欄干外綠楊多。

人心趨處佛增靈。祈雨祈晴有必應。相燭檀香三竺路。

一觀音養百千僧。

年少吳郎絕妙詞。相逢真恨十年遲。瀟瀟暮雨催人別。

腸斷西泠是路岐。

吳蘭雪年少奇才同遊數日

一度來遊一度奇。始知好景不勝追。衰年敢作重來想。臨去多留疥壁詩。

春雨

連日春陰似臘寒。正當

哀詔到江干。故應天亦頻垂淚。細雨如絲灑不乾。

春寒

買得羊裘價十千。料應溫暖勝常年。誰知天又非常冷。依舊凌兢聳兩肩。

雨中杏花

四海方深遏密哀。今年春色總如灰。杏花知道無人看。不待晴開趁雨開。

出行看紅葉

十月清霜萎綠莎。翻看紅錦絢山阿。天公也有才人習。晚景詩尤綺麗多。

嘲梅

正無花候拆寒苞，巧結騷人淡泊遭。若使開於紅紫內，更誰來賞格孤高。

除夕喜雪

冬暖常憂得雪遲，得於除夕尙當時。製成鶴氅無誇處，火急披肩去覓詩。

暮雪

雪花如席壓炊烟，萬籟無聲薄暮天。我似凍禽暗不語，忍寒危立老梅邊。

所見

寒威瘴瘵曉侵肌，驚見驅牛飲凍池。搖手急呼莫莫莫，恐他冷飲或傷脾。

乞活兒

手足俱無畏敗羈，蛇行蠕動路蜿蜒。憐他生已不如死，猶乞街頭活命錢。

偶見

泥爐烟碧瓦燈紅，香火喧闐委巷中。三尺小祠七寸像，居然顧盼自英雄。

酒間與味堂司寇追話都門舊事感賦

春明舊輩幾人存，重話鴻泥指爪痕。絕似上陽宮畔路，白頭老監說開元。

多雨

忽晴忽雨亂晨昏，纔苦陰寒又晏溫。一月九蒸還九曬，老夫身作地黃根。

花蝶

婪尾花穠深院藏，外邊那得遠聞香。不知蜂蝶從何覺，已自飛來過粉牆。

儒餐

土銼煤爐老瓦盆，莫因鼎食羨豪門。儒餐自有窮奢處，白虎青龍一口吞。
俗以豆腐青菜為青龍白虎湯

秦蜀

秦蜀兵氛歲再募，蒼茫天意信難知。世無杜甫能吟咏，何苦教人賦亂離。
太平生齒日增多，天亦難供可奈何。何不教他饑疫死，卻教狼籍死兵戈。

閒極

為愛清閒早掛冠，秀才生活辦粗完。而今閒到無聊極，臨老翻思去做官。

山塘

清簾疎簾軟水舟，老人無事愛清遊。承平光景風流地，燈火山塘賣酒樓。

僮約

僮約雖頒十數條，守門奴已出遊遨。客來剝啄無人應，只道先生故作高。

舊篋中，偶檢得在京時所書鷗北耘菘小照戲題

卷後

灌園閒與白鷗親，四十年前舊寫真。只有老妻還認得，兒孫俱不識何人。

初冬柳色

古語由來未可聽，爭傳弱柳望秋零。誰知霜露凋傷候，萬木丹黃此尚青。

近游戲書

小舫清游不覺疲，每眠杉板當牀帷。也知就木期將近，先向船艙鍊背皮。

書劔南集海棠詩後

陶菊林梅名各擅，海棠猶未有專家。放翁此意先窺破，急把狂吟占此花。

健忘

眼前僮僕或忘名，何況經書記不清。怪底近詩多白戰，征南武庫已無兵。

厭聞

三十年來把釣緡，厭聞消息說兵塵。私憂竊歎何人識，識亦徒嗤是杞人。

巨超將歸托寄京口佩香女史

香閣論詩又兩年，遙知淨業已皈禪。不妨書托高僧寄，正是清齋繡佛虔。

新築軒仍榜聽秋，我來準擬小停舟。可憐兩度過京口，

只見紅欄俯碧流。

去年往來京口俱不值

詩筆年年耐苦辛，懺除不盡是前因。女中才子僧詞客，都是名心未斷人。

枯木禪僧印寂光，空山兀坐太荒涼。作書爲介司花女，或有天花散道場。

牡丹將開作布幔護之戲題

改砌花臺作幕遮，玉樓春色倍穠華。初非貴種偏珍

惜，爲是前年手種花。

老去風情尚易撩，護花心力費連朝。一棚布幔當金屋，

慚愧書生貯阿嬌。

題蔣立崖天遠歸雲圖

膚寸膏流漢上田，又分愷澤潤窮邊。而今斂卻爲霖手，散作餘霞尚滿天。

連日競渡再賦

競渡傳從楚歲時，為投角黍弔湘纍。誰知千載沉淵痛，翻與人間作水嬉。

噴雪中流爪鬣張，不徒旌旆盡飛揚。岸邊萬扇搖風處，也似金鱗閃日光。

多少游船載豔粧，朦朧都掛繡簾藏。不教人見教人想，風過微聞茉莉香。

綵幔高張俯碧流，豪門坐召四龍舟。東門艦商孫氏蒲鞵船上常備

船號蒲鞵船茅柴酒，慚愧書生作冶游。是日邀同人舟泛五月十三日相傳關壯繆，生辰常城例具雲車數十座，作神會。今歲屆期大雨竟日，雲車遂不能出，龍舟亦停戲賦。

龍舟猶鬪彩霞紅，又聳雲車絢半空。一雨磨刀都嚇退，殺風景究是英雄。俗以是日雨謂壯繆磨刀雨

江陰道中遇順風
逆風翁忽順風多，百里程途半日過。卻看來船牽纜苦，我雖自幸亦憐他。

放生河
放生河上放生碑，禁斷人間網罟施。可惜游鯨不識字，不知來此避漁師。

游孫淵如觀察園亭愛其松石古秀正欲題詩疥

壁適觀察以萬卷歸裝圖索題遂牽綴成篇請

正

詞館才人畫省郎出膺使節暫還鄉書生大有誇官處
豪擁歸裝萬縹緗

果然水木湛清華恰稱橫陳萬卷賒笑我方將賣書籍
卜鄰來問爾東家

看山

物色難窮意想間始知閱歷老猶慳千形萬狀無成格
天上浮雲地上山

偉見葬金壇之頁蕭邨哭以送之

不忍將兒遽掩藏五年棺尚殯帷堂愛深翻惑青鳥說
遠送枯骸葬異鄉

地近華陽古洞天宿緣應許侍茅仙此阡或便當尸解
好認前身已蛻蟬

諸子中惟汝肯堂儒家本色陋膏粱祇今十具牛空在
付與何人作主張

葬同羸博見無期魂氣由來無不之他日乃翁游岱去
不知可有再逢時

京口同佩香女史游招隱寺獅子窟八公洞綠蓋

樓諸勝

擬為彭宣問疾瘳江臯不遇且回舟誰知才女佳山水

另作秋來一勝游

費制府久病清江聞將回江寧故往京口候晤而費公尚未至遂作此游

支筇來問病維摩早散梨園罷教歌

夢樓已散去歌伶

莫怪臨分

頻執手京華舊友已無多

芻甫會畱屐齒痕我來惜未得同羣風流各自堪圖畫

君挾緇衣我繡裙

雅存半月前偕巨超練塘僧游此

舟泊太湖

峭涼時節未丹楓萬頃晴波映碧空星月滿天人半醉
扁舟夜宿太湖中

山茶盛開邀去年諸同人小集

占得名花敢召賓盤餐莫笑庾郎貧珊瑚滿樹紅於火
我亦人間石季倫

燕來巢

春燕飛來結壘工笑同賃廡到梁鴻容他夫婦雙雙任
我亦高人臯伯通

兒曹探卵恐難禁竟不隄防意外侵知我刑于施有政
一家童子總仁心

玳瑁無梁似野菴慚他朝夕進風檐聊申僮約行方便
教緩垂簾早捲簾

蜂蝶

是誰送信洩春寬，惹得偷香賊滿園。一樣貪花輕薄性，蠶蜂強暴蝶温存。

春風齊入百花村，掠粉含香各飽飧。一樣採花分兩技，一收花魄一花魂。

螢入書室

炳燭焚膏念已灰，夜深暗坐眼慵開。流螢只道猶勤學，飛入書窗映字來。

題芳茂山僧寺

無山空買一株藤，競想逢山快一登。嵐翠滿庭門晝掩，有山不看是山僧。

看剃度者戲之

拈花一笑問沙門，何事圓顱髮不存。我見如來非老秃，

青螺滿髻未曾髡。

佛像俱作青螺髻則如來未嘗髡髮也

飯餘

飯餘一枕倚窗紗，睡起甌香小啜茶。攜得胡牀臨水坐，柳陰深處看荷花。

目力

兩目雖存力減前，臨文敢怨視茫然。自從六歲攻書起，我已勞他七十年。

簾雨

綠遍田禾不隔區。簾前又見雨沾濡。雨絲作經。去聲見放翁詩簾絲緯織出。幽風七月圖。

遊焦山至揚州途中雜詩

洞庭遊了又焦山。更指揚州寶塔灣。老去翻成游蕩子。蘭橈一月不曾閒。

詩翁八十尚兒嬉。遊侶居然挾兩雌。鎖骨觀音散花女。天教狂煞老頭皮。佩香悟情

鶴銘隄上贊公房。曾與吳均共對牀。回首雪鴻成故迹。瀕行為拂舊題牆。昔與吳激登李喬生同遊焦山宿巨超禪室今激墜先歿矣

左思賦已壓詞壇。一序何須乞士安。自是老饕多口福。累他珍饌上牙盤。左蘭成雷飲肴饌極精屬余題其詩本

巨超行腳未曾迴。剩喜清師半日陪。笑指牡丹添貴種。花時日日望公來。至高旻寺如鑑設齋指院中牡丹數十本皆別後添種惜已開過矣如公號清涼

虎賁曾感孔融情。為是中郎舊典型。今日故人餘筆塚。把君臨本哭蘭亭。練塘書學夢樓過有

軟脚華筵為我開。典衣治具意堪哀。衰年未必還相見。何忍堅辭餞別杯。既堂

當日看花兩白頭。碧筒杯飲最風流。十年重泛紅橋櫂。忍過張家高詠樓。傷松坪之歿也

幾載相思暗淚痕。何當握手轉無言。僮奴只怪過從數。

三日僑居六款門畜生

費盡遊貲到處過。為尋詩料引清哦。詩囊無句錢囊罄。大笑先生折閱多。

鼻涕

撲面風來酒力消。懶殘鼻涕掛成條。卻思年少粗豪處。一唾高於二丈橋。

歲會

歲會粗增什一錢。居然阿堵滿牀前。不知他日誰家物。煩我持籌數十年。

看燈

何處謹聲溢市閭。葛仙橋北露華初。廣場千步春燈滿。月走游人火走魚。

紅梅閣題壁

出郭尋春羽客家。紅梅一樹燦如霞。樵陽未即遊仙去。先向瑤臺掃落花。

觀餵雞者戲作

簸春餘粒撒籬間。芻芻呼雞恣飽餐。只道主人恩意厚。誰知要汝肉登盤。

彭殤

彭殤相遇道塗邊。各述生前住世緣。旁有螻蛄聽暗笑。

不妨童叟拜同年。

花木

誰言草木竟無知，消息能參造化奇。不待司天頒朔到，自然開落不愆期。

衰老

莫怪交遊厭腐儒，家居亦自歎羈孤。滿堂兒女聞聲避，衆叛親離一獨夫。

戲贈

氣豪畧不問生涯，冷笑他人苦作家。富貴性情貧賤命，黃齏吃了去看花。

見爭地者戲作

佔人寸地未堪耕，訟牒紛然訴不平。別有元龍樓百尺，卻無人以佔天爭。

再到西干故里

釣游歷歷舊烟村，相識曾無一個存。莫怪老錢高自置，見人一概喚曾孫。

劉松嵐觀察

大觀

舊嘗宰鎮安之天保縣，在余守鎮安後二十餘年矣。茲過常州，偕稚存來晤，且言鎮民已爲余立生祠，虔奉弗替，感賦。

南徼歸來已白頭，鴻泥那復爪痕留。誰知三十餘年後

尚有遺民祝故侯

自知無績可流傳，只有涇涇不受錢。始識愚民原易感，不為貪吏即稱賢。

在任原思死墓桐

余在鎮愛其民淳事簡實擬老於是官不願遷也

豈期民已社樂公

不。愁。身。後。無。歸。處。九。朶。蓮。花。一。畝。宮。

赴鎮安必由蓮花九黃而入

水車十百戽田水入河

修蛇蛻骨枯樺多，邪許聲悲似輓歌。可惜踏車如許力，翻將田水灌塘河。

年年河水灌田禾，田水今翻灌入河。絕似貧人還宿債，羊羔利較本錢多。

小暑後忽得快晴，低田水漸退而鄉民又恨東南

風大不得速驅，向蘇湖致插秧，尙有待也。詩以

水解之

積雨新晴氣已蘇，又嫌風不下流驅。果然驅到鄰為壑，我得春炊獨飽無。

江邊

彌望郊原白浪滔，尾閭何處泄狂濤。百川都向滄江灌，壓得潮頭不敢高。

少日

少日伶仃僅一身，兒孫今遂列成羣。人間米貴何關我，

百萬分中也一分

溝壑

溝壑災黎待斃身相逢不禁為傷神若教破我慳囊救
又覺他原是路人

再過城東小桃園

少年曾此屢經過腸斷韋娘一曲歌今日重來頭已白
不知何事淚猶多

米貴

曉市聲喧似湧濤爭營口食罄錢刀其言米價如梯級
一步升來一步高

只為人多覺地福平一人一畝尚難全孟夫子若生今
世敢復高談古井田承平日久生齒日蕃若人各百畝安得有如許田也

景德祥符脫亂離小兒鼓腹老舍節始知斗米三錢價
總在人稀地廣時

海角山頭已遍耕別無餘地可資生祇應鈎盾田猶曠
見天可惜官高空種不成

更從何處闢遐阨只有中郎解發印或彷彿秦開阡陌例
盡犁墳墓作田疇

勾踐當年急生聚令民早嫁早成婚如今直欲禁婚嫁
始減年年孕育蕃

五風十雨惠民深，物產猶難給釜鬻。到此天心縱仁愛，也愁力薄不從心。
斗米需錢四百餘，真同珠價論鎔銖。老夫翻借誇豪富，一日厨炊一斛珠。

蔣立菴輓詩

少小交游到老成，十年以長忝爲人。定期伴我桑榆晚，何意今翻哭後生。

半年不斷藥爐薰，轉側常資婢僕勤。看到呻吟牀第苦，翻祈君早赴修文。

病榻惓惓念析薪，預愁身後藐孤貧。大家都有兒孫累，誰是人間了事人。

空中笙鶴引遊仙，此事何須快着鞭。恐我他年無伴侶，預先相待大羅天。

楊桐山輓詩

老去枯腸不作詩，作詩多是輓歌詞。寢門哭友連三日，兩淚幾如不斷絲。

看花每歲荷開尊，精饌真過石季倫。自是老饕無口福，

正思大嚼失屠門。君家杜鵑花皆各種每開時必具精饌宴客余嘗有詩

頃刻花開七七仙，歡場履舄故依然。明年櫻筍厨誰設，灑淚東風泣杜鵑。

佳句

枉為耽佳句。勞心費剪裁。生平得意處。却自自。

春蠶

滿箔春蠶食葉肥。腹絲抽盡作蛾飛。尚餘五色文章在。留與人間織錦機。

述菴侍郎遣人送示新刻湖海詩傳所輯皆生平

交舊凡六百餘人人各系小傳其心力可謂勤

矣敬題六絕句

涉江踰嶺採芳蓀。多是題襟舊墨痕。辛苦雅輪扶隻手。故應一代仰龍門。

有唐何止萬詩人。篇什如今幾個存。太息茫茫烟霧裏。不知多少暗啼冤。

也是生平大願船。盡收交舊入新編。淮南賓友何多幸。得附劉安總上仙。

網盡珊瑚也足雄。唐詩選只說荆公由來買馬招兵戰。萬骨枯成一將功。

往事傷心踏戰塼。選詩特為百篇增。不知朽骨空山裏。可識歐陽序宛陵。

選植璞函詩獨盈一卷蓋公與璞函同從軍滇蜀璞函獨殉難木果木故存歿之感倍深亦可見篤於風義矣

對鏡親描兩翠蛾。自矜絕豔渺橫波。一從粉黛叢中過。始覺人間佳麗多。

長至日同人夜集

長至纔交薄雪飛，可無轟飲辟寒威。書生豪舉真堪笑，前面開樽後典衣。

吳穀人祭酒枉過草堂邀稚存味辛同集

裾屐聯翩總勝流，沉沉泥飲盡更籌。江天望氣人應說，今夜文星聚趙樓。

已屆消寒九九天，燈光月影泛觥船。殺雞爲黍儒家宴，俗煞汾陽軟脚筵。

百年人物遞當場，館閣歸來鬢各蒼。公等已皆稱老輩，衰翁得未曾靈光。

袁子蔣心王禮錢竹汀總作塵慙遺漫比後來薪名流各
有千秋在肯與前人作替人

冬暖

繡線雖添暖未消，想天亦怕聽寒號。晏嬰尚有狐裘在，不得披來傲緼袍。

春令冬行暖不裘，漫憑洪範細推求。陰陽調燮何關汝，偏是書生易杞憂。

不須深窖幻唐花，自是天心急物華。惹得桺桃俱躁進，纔看落葉已抽芽。

今年夏雨過多低田有被淹者高田則大熟余有

田五六百畝散在各鄉高下不等及收冬租各佃俱稱被淹竟抗不輸納書此一笑

我田未必水中央因潦俱稱被浸復同此一區豐歉異佃家大熟我奇荒

少日無田嘆釜罄誰知田亦有升沉我田便是滄桑幻旱則山頭潦海心

旱則指我田為高阜潦則指我田為下濕緣田主不知田所在常州鄉俗皆然

新年

一笑貪癡鶴髮翁新年又喜欸春風閒尋古老人為伴數到淇園衛武公人替人

春夜看孫男女舞燈戲作

碧天如水月如霜五丈空庭作戲場破費買燈錢一貫魚龍兩隊小排當

行春五馬記南州謝事歸來剩故侯騶卒輿丁無一在白攜童稚作遨頭

兒女青紅樂事多新年例得免譙訶老夫恐踏唐休璟不敢隨他戲拔河

唐休璟階三品以上戲拔河隨地

都是孫曾手自持舞燈供我作酣嬉笑他白傅空尋樂只仗樊蠻唱柳枝

筆工胡生以羊毫裹兔穎名之曰綿裏針頗馴健可書戲為二絕

老來那得更還童。自分中書老不中。忽得銀毫濡墨寫。白頭公變黑頭公。

柔毛何意內含剛。恰與詞人寫錦囊。放出晶芒高萬丈。依然佛頂白毫光。

米貴

米貴真看逐日昂。民間一撮藉通腸。老夫家法難行處。要授全家辟穀方。

雜戲

我冠壯距奮雄鳴。可惜單栖到五更。為聘一雌相配匹。老夫家法最通情。

錦囊

老已中乾向外強。嬉遊還逐少年場。怕人笑我詩才盡。特遣奚童背錦囊。

小遊仙

瑤草琪花引洞天。誤人春夢小遊仙。麻姑爪豈曾搔着。枉被方平一頓鞭。

舟行

知有烟村綠水灣。寥寥一犬吠柴關。百株楊柳千竿竹。惜不移家住此間。

二麥將收連旬大雨感賦

米價經年節節高，茅檐待哺正嗷嗷。麥秋時候連旬雨，天要殺人不用刀。

麥已歉收雨猶未止而龍舟之戲尚華艷如昔感

賦

正是柴荒米貴時，龍舟仍復鬥琴麗。滿堂燕雀羣嬉處，中有饑寒世未知。只恐饑荒在眼前，中流鑼鼓漫喧天。老夫聊亦逢場戲，不敢思量到半年。

血氣日衰竹初勸食人乳戲作

昔年乳藉養牛

見漢書

供人乳今更軟飽功驕貴莫嗤人

代畜貪癡妄想老還童

晬盤孩稚已扶牀，又費餐錢雇奶娘。黃口曾孫黃髮叟，

一齊都帶乳花香。

不煩燥濕劬勤多，新婦居然暫作婆。若使屈尊呼乳媪，我年三倍長于他。

味到寒儒始覺珍，不教涓滴漉陶巾。恐防悞作蒸豚用，莫近人間富貴人。

無聊

天以無聊因此翁，轉尋生活寂寥中。一聯未穩何關繫，竟費推敲半日功。

兒童敲背

兒童娛我度良宵，如蕨拳輕把背敲。一个西瓜分八片，阿翁大費為酬勞。

年來市間飯盃漸小，蓋窻戶工料增貴，暗為收減也感賦

瓷盃新傳縮地方，午餐計數似勝常。不知腹尺還依舊，只誑咽喉不誑腸。

泥胚默減世誰知，食量殘年本暗虧。似為廉頗誇健飯，對人只說似平時。

秘方妙以縮為盈，頓使加餐浪得名。始悟軍前增竈法，老夫又欲去談兵。

自因範土費增加，埏埴雖工器漸差。此事隱憂殊不細，五材長價到泥沙。

十月二十二日為余八十懸弧之辰前一日兒輩為余演劇，煖壽是時正白菜上市，老夫方謀旨蓄禦冬，督奴婢醃菜，書此一笑。

鄉風煖壽本無稽，兒輩尋歡欲借題。珠翠滿堂簫鼓沸，先生正製菜根齋。

費筠浦相公遠寄海虎珍裘，值冬暖幾至閣東戲。

題三絕

裘出塞北俄羅斯國色黑而毛密中土人名之曰海虎彼國不知何名也

故人念我冷探梅，遠贈烏茸妙剪裁。可惜溫溫無所試，寄裘不帶雪霜來。

鄒律曾回黍谷暄，區區軟毳豈同論。相公自有調元手，裘到江南候早溫。

擬誇鄉里小兒曹，銜耀州來秦復陶。天不許更寒乞相，不如還贈舊綈袍。

僧了凡衣狐裘大有銜耀寒儒之意詩以調之

狐白袈娑課梵音，漫驕儒者捉寒襟。孔夫子面無金剝，不比瞿曇滿面金。

七條衣上帶餘羶，毳毳煌煌氣色鮮。口不如葷身不素，佛門何處野狐禪。

俊兒供饌頗嘉余，以其脾泄病催令服藥

子舍能供酒饌精，乃翁却勸藥爐烹。一甘一苦雖殊味，總是人間父子情。

久不着鞦元且須望，闕行禮而鞦底霉黑以粉

塗之戲作

粉應傅面美容華，何事朝鞦底亦搽。塗抹鉛華到雙腳，先生毋乃太驕奢。

正字通無搽字然東坡云有幾個搽粉的虞候則此字可補入詩韻

西干故里

門巷依然淶水濱，釣遊陳跡黯傷神。我來便是遼東鶴，

盡日曾無舊識人

論詩

結習耽吟老未忘，尙隨年少角詞場。只愁後世無新意，不敢多搜錦繡腸。

報施

報施有定理，靜驗殊不然。但見天養人，不聞人養天。

同鄉舉消暑會，余以齒序屢叨首座。戲簡諸公

水厨消暑彷彿南皮，首座班尊絕等夷。我欲讓人人不肯，爲嫌漸近百年期。

余不喜茹素，自六歲隨先君子書館，卽無日不肉。

然每食不過二兩，今年八十餘，約計已三千三

八，淨單四百斤，自惟庸姿薄植，毫無益於世而享此口

福，良可愧也。

勵志雖甘咬菜根，未嘗一日不羶葷。有何功德施人世，食肉三千四百斤。

夜起占星

月離于畢，雨應來。翹首占星望眼開，天要殺人何與我。乃勞夜起兩三回。

冬暖

只救人寒不救饑，饑荒那可更寒威。想天刀下留情處，

國才言金
尚念民間未贖衣。

草花

十笏庭齋傍水涯，鳳仙藍菊燦如霞。
老知光景奔輪速，不種名花種草花。
細碎花紋密似編，開來不值半文錢。
若教巧匠金絲製，價又高懸索百千。

換衣

逝者如斯見化機，老來寒暖要防微。
新秋一樣清風發，人着單衣我夾衣。

草花畧澆灌，輒欣欣向榮。乃知賤種尤易滋，長也。

草花誰灌沈泉清，偶荷滋培倍發榮。
始悟六朝中正品，川寒人轉奮功名。

王人東籬

同半百陸放翁舍東有隙地插棘爲藩植花木其中取
不外人陶令詩意名之曰東籬余寓齋在石橋之東隙
地半畝亦樊爲圃雜植野卉因亦以名焉書以

解嘲

陶令東籬久著稱，放翁插棘我牽藤。
可憐俱附前賢迹，已是三層最下層。

秋葵

葵高二丈俯中庭。花面鵝黃一色深。誇富漫言金滿地。吾家更有滿天金。

寓舍有二犬。余飯時只一犬來詢。知乃母犬讓其

子得殘炙也感賦

一骨拋投母不爭。小厖因得飽餘烹。由來舐犢關天性。不但人情也物情。同牢百犬兆家和。讓食何為只犬婆。旁有黠奴心暗笑。主人餘惠本無多。

白荷未殘黃葵又綻戲咏

雪。白。池。荷。正。映。欄。葵。花。黃。又。卷。簷。端。豪。華。欲。傲。王。元。寶。上。有。金。盤。下。玉。盤。

即事

五月扁舟到暨陽。茶瓜清坐但迎涼。蕭齋不覺居停久。見了秧青又稻黃。閒庭半畝水之涯。雜卉羣芳總麗華。來是將開去將謝。此行端似為看花。

自嘲

衣食無憂只讀書。不知此福怎消除。祇應老罰飢腸吼。饑向陳編拾唾餘。

六言

國才言金
孝先任嘲便腹坡老爭讓出頭光燄不能萬丈聲名那
得千秋

金風

閒向東籬玩物華。化工消息在萌芽。金風吹滿黃金色。
叢桂圍葵野菊花。

枕上水心紙。蘇武牧羊。蘇武牧羊。蘇武牧羊。蘇武牧羊。
何物消閒味。詩多枕上成。卻將詩索枕。枕又寂無聲。

柳色

暑退農功又築場。秋來一雨一番涼。隄邊暗換垂楊色。
不是嬌黃是硬黃。

肩輿拜客憫輿夫。勞瘁適食盒中有炙糕。各賞三
條書以一笑。

雇得籃輿拜客遙。炙糕慷慨賞三條。輿夫不敢嫌慳吝。
自笑朝來腹太枵。

無詩

每日耽吟到日西。幾於搜及角中麤。只愁明日無詩句。
卽此無詩又一題。

花畱客

雇得歸舟泊水湄。庭花連夕發妍姿。憐他似欲畱儂住。
臨別匆匆爲改期。

歸舟

楊舍城南一葉舟，滿途黃葉已深秋。西風自是無情物，催我過歸不少留。

少睡

十二時中神影形，三時瞌睡九時醒。如何即此三時內，又被南柯攪不寧。

見贖衣者戲賦

一夜霜寒贖敝衣，贖來便在櫃前披。看他顧盼自雄處，回去居然衣錦歸。

放懷

放懷漫擬地行仙，屋漏微光上有天。試聽衆禽俱報曉，鴉鳴常在鵲鳴先。

昨歲除夕香遠內弟得一子書以奉賀

充闕佳氣藹春和，唱到徐卿二子歌。同是生兒君倍喜，當年相國望孫多。

外舅文恭公望孫最切

仲氏吹簫伯氏填，長君正喜棣華繁。誰知努力相爭勝，坐使而翁又抱孫。

長君培斯亦有添丁之信

醪酥方飲歲除杯，繡閣俄欣送子來。未到三朝先兩歲，懸知夙慧易成材。

紛紛羊酒賀親鄰，湯餅筵開喜氣新。八十四翁來發兆，

上堂親撫石麒麟

從飯館中買半雞佐餐戲書

常時嚼蠟腐儒餐買得家禽後食單公膳一雙吾半隻

雖奢亦露秀才酸

牡丹院中有芍藥而無牡丹戲書

牡丹素擅夫人號芍藥甘居侍婢卑堪笑先生欠莊重

風情只敢謔將離

有以木瓜見贈者折芍藥報之口占二句

山齋有清供氣味總相若投我以木瓜贈之以芍藥

敝裘

輕暖貂狐價百金書生空作苦寒吟一羊裘敝偏多用

日當衣衫夜當衾本諺語

三月十八日檀橋門首同看小茅山香會經過

竿木逢場好冶遊小茅山會此停騶門前來往人千萬

偷眼爭看兩白頭

熙熙人共樂春臺三老相隨笑口開不比帷車避新婦

聽他看煞子瞻來

空雷

有名無實每成空天亦隨人染此風一夜怒雷轟霹靂

明朝依舊曉霞紅

四月十一二等日大寒圍爐就煖偶書

五月披裘氣自雄我今四月擁爐紅天教寒士添佳話
不但冬烘夏亦烘

寓山塘五日

虎邱山下聚烟花畫舫歌樓遍水涯老我亦成游蕩子
順風相送不還家

賀蔣霽峯郡侯得孫之喜

孫早堪償得子遲使君頭白要含飴輸他東閣郎君福
十八青年便抱兒

堯母門應得寧馨不輕誕降乃祥徵息陰健翮培風厚

一出方知是大鵬姓十二
月方產

我方重赴鹿鳴筵為是庚科折桂仙八十四翁來賀喜
竟須先後敘同年

余以乾隆庚午科舉於鄉今又屆嘉慶庚午例得

與新舉人敘先後同年適閱吳梅村集知梅村

亦庚午舉人也

發科同歲本非親聲氣相聯誼亦敦攀附名流吾最幸
敘同年直到梅村

隱仙菴看桂

隱仙菴桂百年柯金粟乘秋燦曼陀怪我出門蜂蝶繞

只緣坐久染香多。

前朝寺觀遍城坊。都出權閹勢力強。獨有此菴留隱迹。

故應俗煞衆貂璫。

相傳前明守備太監所造

燕子磯

燕子磯邊坐結跏。嵐氛雲氣兩模糊。平明放棹棲霞去。

一幅烟江疊嶂圖。

外孫湯文卿中式舉人喜賦

我方重赴鹿鳴筵。又喜東林有後賢。一代賓興傳異事。

外孫外祖敘同年。

哭蔣瑩溪

死盡交遊只剩君。君今又去更誰親。想因我命應孤獨。

先降災星到故人。

山陽笛已渺難追。數盡寧論日早遲。君去不須愁寂寞。

我來應亦不多時。

節巾待盡便登程。屬纊惟餘我送行。眼看垂危無術救。

剩將雙淚寫銘旌。

題明末肇高雷廉瓊五府巡撫李武舟家傳後

掌大山川瘴海濱。前朝殘局有勞臣。馬場十八先生外。

又一孤忠殉國人。

是何節度强支持。戰敗丹心死不移。并少一杯乾淨土。

預題止水後園池

五更

倚壁燈光小。炷留宵。眠醒必五更頭。吾身自有時辰表。不用雞人報曉籌。

題金素中太守西瀛小築圖

家傍黃山客晉陵。寓齋十笏占西瀛。雅人所至皆名迹。况有林巒結構精。曾驅五馬走驂驛。澤遍閩南又濟南。縮本摹來雖尺幅。胸中海岱已全涵。

里俗戲劇余多不知問之僮僕轉有熟悉者書以

一笑

嵌段流傳本不經。村伶演作繞梁音。老夫胸有書千卷。翻讓僮奴博古今。

佳句

詩從觸處生新者。輒成故多少。不傳人豈盡無佳句。

夢偉兒

多年不見見逾親。相對惟餘淚滿巾。夢斷不知何處去。殘燈無燄碧如燐。

蟻陣

萬蟻紛紛各逞強。縱強能占幾封疆。可憐不自知微末。

結陣居然作戰場

曝背

曉怯霜威犯髻髭。擬營暖室怕錢多。牆根有日無風處。便是堯夫安樂窩。

虛名

虛名久已積年陳。猶聽無憑宿世因。難道虛空如此大。不能容得一傳人。

旬日無詩

天機雲錦朗昭回。刀尺徒勞費剪裁。怪底經旬無一句。等他有句自然來。

五更不寐

結習難消已作魔。夢回不覺續吟哦。雞初鳴到雞聲歇。枕上詩功兩刻多。

星斗闌干月下絃。沉沉柳鼓夜如年。老人夢醒荒雞叫。窗外窗中兩不眠。

遙知霜氣颯寒空。小炷留燈一穗紅。臥榻旁偏有鼾聲。鬢童頭已觸屏風。

臘月廿四日大雪

曉窗驚見雪成堆。預卜豐登遍九垓。堪笑此翁都不管。只誇步履可探梅。

嘲梅

南梅北杏各爭妍，地氣人工有轉旋。
鄧尉山前香雪海，如今真欲變桑田。
種梅處多改種桑蓋蠶利厚也
水邊籬落影橫斜，品格高寒另一家。
何事不知先避俗，官方開印亦開花。

新歲

袖手相看畏朔風，人人都想擁爐烘。
不知凍面皮皆赤，只道貪杯發醉紅。

紅梅閣探梅

滿街簫管競繁華，閏歲春遲柳未芽。
趁得今朝風日好，紅梅閣上探梅花。

探春

何處探春作冶遊，教人指說老風流。
影娥池上凌波步，初月梅花第一樓。

江陰別業頗有竹木之勝率題絕句

邵堯夫偶結行窩，虧得前人剩澗阿。
屋宇要新園要舊，貪他老樹綠陰多。
常時只想避囂塵，晞髮扶桑未有因。
今日始看林壑就，可憐已是白頭人。

閩邸報有粵西宜山縣民藍祥年一百四十二歲

聖恩賞給六品頂戴

御製詩章匾額並建坊銀幣恭記盛事

兩古稀年并一身，昇平人瑞有耆民。直從九老香山會

千有餘年見此人

香山九老會惟李元爽一百三十六歲僧如滿九十五歲餘皆未九十

人生誰不慕高年，百歲光陰已似仙。到得添籌添破格

教人不敢想隨肩

計年杖國兩輪回，省得浮提又換胎。卻笑癡頑貽背叟

君年六十我纔孩

寒甚

寒戀重衾夢尚迷，臥聽榔鼓小樓西。家風熟我刑于化，懶到荒雞亦少嗥。

元墓看梅

元墓看梅破曉寒，遲來數日已開殘。替身幸不辜來意，開遍山山白玉蘭。

到家正值山茶花盛開

尋春步履遍蘇臺，帶得餘香轉權回。笑比秦宮花裏活，到家又值海紅開。

昨歲檀橋門首與同看小茅山會今檀橋已故香

會又屆期不勝感愴

昨歲歡場共冶遊，小茅山會此停驂。傷心重過烏衣巷

兩。白。頭。今。一。白。頭。

入耳賊

元禮門高萬仞岡，肯教代作嫁衣裳。已知金到雖磨去，已是人間入耳賊。

有人乞副憲孫薪向地方官說情許以厚賂薪斥去之謂此言聞於我卽是入耳賊也見姜南鈺甲子筆談

城北門外有長濠，一道萬柳參天綠。陰可愛，偶因拜客遇之率賦。

晉陵城北古濠邊，千樹垂楊罨野烟。八十年來身未到，今朝始識蔚藍天。

午節前連日大雨誌喜

彌空解澤信，知時城外栽秧內。水嬉苦樂雖殊情則一，大家都快雨淋漓。

新晴民皆跨街晒衣肩輿多從襦裙下過

積雨初晴衣共晒，街懸窮袴襦裙多。老夫不受淮陰侮，也復低頭胯下過。

水閣看龍舟競渡

水嬉金翠活龍鱗，遊舫千艘沸水濱。舉國若狂吾亦顛，屢豐年歲耄期身。

暑不可耐劈瓜六片分縛於胸膈項背以敵炎歊

戲書

抱冰應笑越王癡，貼得瓜瓢冷沁脾。翻似漆身為癩子，

滿身紅得血淋漓

自幸

兩板衡門二頃田書生願已不虛懸慚他踏鼓東華客

高臥江湖四十年

余自四十六歲歸田今八十五歲里居已四十年矣

露坐

星斗闌干夜氣清淺涼坐到月初更忽聞孩穉爭喧噪
撲得流螢似捉生

又

貧涼露坐曲欄東專候雲開月滿空誰識月光猶帶熱
最涼還在月陰中

燕鼓

燕鼓聲殘接曉烏牀邊側几一燈孤不知偶得驚人句
可有前人說過無

偶得

果入輪迴要換胎得新軀殼亦何哀只嫌老馬為駒處
八十翁翻作小孩

長晝蕭齋手一編非關積學為消閒不知銅臭胸無字
何術支他日似年

七月三十日常州新造寶塔燈觀者全集

俗愛嬉遊是晉陵市頭米價漸加增可憐滿肚皆藜藿

出郭爭看寶塔燈。

比鄰楊雲珊家老桂大開香透余室喜賦

比舍得芳鄰如行慧山路但聞桂花香不見桂花樹

乍冷

正愁煩暑似洪爐忽漫秋風冷切膚乍冷欺人吾不怕
巾箱尚有管寧襦

衲衣

老去令人服侍難涼思披被暖思單衲衣頻換防生蝨
又恐更衣犯曉寒

即景

千株垂柳綠當門
有濃陰處即名園

孫曾

孫曾羅列要遨頭披簿呼來作近遊
吃飯穿衣吾不管
燕貽各有乃翁謀

冒雨尋菊

節過重陽菊遍開也須晴爽好銜盃
有何急事東籬下
帶水拖泥笠屐來

流光

流光坐擲寂寥中天以無聊因此翁
老去作詩多七絕

又從廿八字求工。

幻夢

卅年屏跡隱蒿萊。夜夢無端見上台。我不憶他他訪我。得非富貴逼人來。

上塚

已是橙黃橘綠天。出郊滿路說豐年。柁樓斜挂金銀鏹。知往鄉間上塚船。

皓首

皓首猶勤手一編。叢殘舊稿卷盈千。虛名垂老將傳世。活一年多百十年。

秋風

十笏書齋坐淡寥。門無俗客把門敲。秋風吹落梧桐葉。露出梢頭老鶴巢。

涼枕

冰霜氣已失暄和。涼枕如何戀夢多。莫是壯心猶不已。暗中自煉鐵頭陀。
憶生笑余冬月尚枕涼枕不知余終歲皆枕此慮頭面有虛火也

消閒

消閒還藉讀書功。已似殘燈燄不紅。年紀益增學益退。得非真个老還童。

坐守

經年坐守故書堆一事無成信可哀始覺孟嘗門下客
雞鳴狗盜亦奇才

水響頭

治坊濱遊船將泊先快
櫓聲搖三匝名水響頭

俗愛嬉遊是虎邱翻新市語亦風流治坊濱裏船將泊
先放三回水響頭

壬申元日

新年又益海籌長八六耆齡力尙強笑引古人相比較
居然已勝郭汾陽

汾陽年
八十五

喜晴

窮陰匝月困愁霖我道將來必有晴今日果如吾所料

一輪紅日滿窗明

早醒

荒雞臚膊一燈昏風露寒侵夜嚮晨譙鼓未終殘夢破
人間第一早醒人

僮約

少日曾嗤蝨處禪老來習懶漸成真預頌僮約如軍令
除了看花不出門

長晝

掩關長晝守蘧廬何物消閒度索居虧得健忘無記性
古書看過似新書

論詩

詞客爭新角短長。迭開風氣遞登場。自身已有初中晚。安得千秋尚漢唐。

天河

候。屆。農。忙。正。熟。梅。夜。瞻。星。斗。朗。昭。回。虧。他。多。少。銀。河。水。忍。住。空。中。不。下。來。

五月廿三日大雨四五寸誌喜

正。插。秧。時。大。雨。來。綠。禾。高。下。一。齊。栽。吳。儂。相。見。無。他。語。萬。口。同。聲。大。發。財。

四野翻犁盡叱犍。懸知天亦卹民艱。向來錯厓屯膏慮。只道天公不破慳。

漸矮

上堂須要攝齊升。舊着衣衫覺暗增。兒輩漸長吾漸矮。聊欣跨竈有先徵。

經史翼宸故居

城東經過舊青門。天尺軒猶綠蔭繁。三步回車仍腹痛。最難忘是舊承恩。

香牛皮席

香牛皮席擬涼生。汗漬無眠直到明。笑我著書曾未寸。翻教忝竊汗牛名。

病起

風寒暑濕病相乘。此亦何妨撒手行。勞動滿城相問訊。雖非姻舊亦關情。

得雨

今年天總代農耕。欲雨而雨晴而晴。不知何福能消受。翻恐都驕作惰民。

有語皆成嘆。非魂亦作魔。聊書宵寐句。扎闔去搗訶。昔人

阿四

阿四頻年為我忙。飢催羹飯渴茶湯。老來事事需人助。直把僮奴作奶娘。

曉市家家要破錢。獨尋煤店解腰纏。買來炭壑盈三百。似尚留儂要過年。

頭緒

頭緒紛如不斷絲。一程來了一程追。直須炊到黃梁熟。始是盧生夢醒時。

早稲田大学図書館

011888007816